



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De principio Missæ & confessione facienda,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

unigenitus ejus Filius semetipsum obtulit in ara Crucis; non verò dicere debet aliquas orationes veluti, *Aktionen nostras quasumus Domine, &c. Veni Sancte Spiritus*, aut alias preces.

Sacerdos inchoaturus Missam, antequam descendat ab Altari, prius facit Cruci reverentiam cum capitis profunda inclinatione, tum vertit se à cornu Epistolæ, juxta motum naturalem, hoc est, sinistro latere Altaris ad dextrum, sed aliquantulum retrahit se ad cornu Evangelii ne directe descendendo terga vertat Cruci, vel Tabernaculo.

Si in Altari plures sint gradus quam tres, tunc non omnes descendit, sed tantum primum ordinem graduum si sint per ordines distincti, vel supra secundum aut tertium sistit; quod si nullus adsit gradus, prout in Oratoriis privatis, & in angustiis locis quandoque solet contingere, tunc convertens se à cornu Epistolæ, per aliquot passus ab Altari remotus, facit Confessionem, ita ut inter ipsum & Altare congrua sit distantia.

DE PRINCIPIO MISSÆ ET CONFES- sione faciendâ.

III.

I. SACERDOS cùm primum descenderit ad infimum gradum Altaris, convertit se ad ipsum Altare, ubi stans in medio, junctis manibus ante pectus, ex-

D 5

ten-

tensis & junctis pariter digitis, & pollice dextro super sinistrum posito in modum Crucis, (quod semper servatur, quando junguntur manus, præterquam post consecrationem) de recto capite, facta prius Cruci vel Altari profunda reverentia, vel si in eo sit tabernaculum sanctissimi Sacramenti, facta genuflexione, erectus incipit Missam.

2. Si celebraturus sit coram summo Pontifice, sistit in infimo gradu Altaris à cornu Evangelii ante ipsum Pontificem, ubi genuflexus exspectat. Accepta benedictione erigit se, & stans aliquantum versus ad Altare incipit Missam Si autem sit coram Cardinale, Legato sedis Apostolica, puta Patriarcha, Archiepiscopo, & Episcopo in eorum residentia, vel loco jurisdictionis, stans in infimo gradu à cornu Evangelii, ut supra exspectat: dato signo facit profundam reverentiam Pralato, & versus ad Altare incipit Missam.

3. Si autem solemniter celebrat coram summo Pontifice, aut alio ex Pralatis prædictis in Ecclesiis eorum jurisdictionis, stans à sinistris Pralati facit cum eo Confessionem, & alia servat, ut in Pontificali & Ceremoniali Romano ordinatur.

4. Stans

4. Stans igitur Celebrans ante infimum gradum Altaris, ut supra, producens manu dextra à fronte ad pectus signum Crucis, dicit intelligibili voce: *In nomine Patris, & Filii, & Spiritus Sancti, Amen.* Et postquam id dixerit, non debet advertere quemcunque in alio Altari celebrantem etiam Sacramentum elevet, sed continuatè proseguat Missam suam usque ad finem: quod item observatur in Missa solemni, & simul etiam à Ministris.

5. Cùm seipsum signat, semper sinistram ponit infra pectus, in aliis benedictionibus cùm est ad Altare, & benedicit oblata vel aliquid aliud, ponit eam super Altare, nisi aliter notetur. Seipsum benedicens vertit ad se palmam manus dextræ, & omnibus illius digitis junctis & extensis, à fronte ad pectus, & ab humero sinistro ad dextrum, signum Crucis format. Si verò alios, vel rem aliquam benedicit parvum digitum vertit ei cui benedicit, ac benedicendo rotam manum dextram extendit, omnibus illius digitis pariter junctis & extensis: quod in omni benedictione observatur.

6. Postquam dixerit, *In nomine Patris,*
 &c. Ut supra jungens iterum manus ante
 pectus, pronunciat clara voce Anti-
 phonam. *Introibo ad Altare DEI.* Minister
 retro post eum ad sinistram genuflexus,
 & in Missa solemni ministri hinc inde
 stantes prosequuntur, *Ad Deum qui lati-
 ficat iuventutem meam.* Deinde Sacerdos
 eodem modo stans incipit, & prosequi-
 tur cum Ministro, vel ministris alterna-
 tim Psalmum, *Iudica me Deus* usque ad fi-
 nem, cum *Gloria Patri* Quo finito repetit
 Antiphonam, *Introibo*, cum Ministris, ut
 supra. Qui Psalmus nunquam præter-
 mittitur, nisi in Missis Defunctorum, &
 in Missis de tempore à Dominica Pas-
 sionis inclusivè usque ad Sabbatum san-
 ctum exclusivè: in quibus semel tantum
 dicta Antiphona *Introibo*, cum Ministris
 ut supra, Sacerdos statim subjungit
 Vers. *Adjutorium nostrum,* &c. ut infra.
 Cum in fine Psalmi dicit, *Gloria Patri,*
 &c. caput Cruci inclinat.

7. Repetita Antiphona, *Introibo*, dex-
 tra manu producens signum Crucis à
 fronte ad pectus, dicit Vers. *Adjutorium*
nostrum in nomine Domini. Resp. *Qui fecit*
calum & terram. Deinde Altari se pro-
 sua

funde inclinans, junctis manibus dicit, *Confiteor DEO*, ut in Ordine Missæ: & profequitur eodem modo stans inclinatus, donec à Ministro vel Ministris dictum sit, *Misereatur*, Cùm incipitur à Ministris *Confiteor*, se erigit. Cùm dicit *mea culpa*, ter pectus dextra manu percutit, sinistra infra pectus posita.

8. Si est coram Pontifice Cardinali, Legato sedis Apostolica, vel Patriarcha, Archiepiscopo & Episcopo in eorum Provincia, civitate vel Diœcesi constitutis, ubi dicit vobis fratres dicat, tibi Pater, similiter in fine, ubi dicat vos Fratres, dicat, te, Pater, quod dicens summo Pontifici genuflectit, aliis Prælatiis profundè se inclinat.

9. Cùm Minister, & qui intersunt (etiam si ibi fuerit summus Pontifex) respondent *Confiteor*, dicant, tibi Pater, & te, Pater, aliquantum conversi ad Celebrantem.

10. Facta à circumstantibus Confessione, Celebrans stans responder, *Misereatur vestri, &c.* Deinde producens manu dextra à fronte ad pectus signum Crucis dicit: *Indulgentiam, &c.* Et si est Episcopus accipit manipulum, osculando illum in medio. Et stans inclinatus

junctis manibus prosequitur, *DEVS, tu
conversus*, & quæ sequuntur in Ordine
Missæ, clara voce usque ad Orationem,
Aufer à nobis, &c. Et cum dicit, *Oremus*,
extendit & jungit manus.

11. *Et tunc si coram summo Pontifice, aut
aliis Prælati, ut supra, celebret, facta summo
Pontifici genuflexione, aliis Prælati profunda
reverentia, accedit ad medium Altaris ante
infirmum gradum, & ibi incipit secretò, Aufer
à nobis, ut in Ordine Missæ.*

ANNOTATIO.

Solus minister interfit, non dicat, & tibi,
Frater, & te Frater: Sed semper: & vobis, *Fra-
tres, & vos Fratres*. Non inclinet se dum hæc
verba dicit, versus Ministrum, nec versus po-
pulum.

ANNOTATIONES.

IN paragr. 1. offendunt, qui ad initium Mis-
sæ facta Venerabili Sacramento in Altari
existenti reverenti genuflexionis, reveren-
tiam quoque exhibent Cruci: Et quando
non est Venerabile Sacramentum in Altari,
sed

sed ad latus, facere volentes Cruci reverentiam, prius erga Venerabile Sacramentum in latere positum genuflectunt, ut ordinem servent dignitatis. Sufficit enim una reverentia vel nimirum genuflexio, si Venerabile Sacramentum in Altari quovis modo sit positum, vel profunda capitis humerorumque incurvatio, versus Crucem, si Venerabile Sacramentum non sit in Altari. Neque tunc ulla debetur reverentia sanctissimo Sacramento ad latus etiam propè Altare situato, ut supra diximus.

Si privatim celebret coram Prælato, &c ubi primum descenderit ad infimum gradum, nulla prorsus facta reverentia Altari, nec Venerabili Sacramento non patenter exposito, immediatè conversus ad ipsum Prælatum in infimo gradu in cornu Evangelii petit licentiam inchoandi, & annuente Prælato capitis nutu, facit illi reverentiam, ut supra; & reversus ad Altare, facta tunc primum eidem Altari seu Cruci vel Venerabili Sacramento (si sit positum in Altari, aliàs non, nec iterum Prælato ad servandum ordinem dignitatis) debita reverentia inchoat Missam: ut supra in paragr. 1. non vertens dorsum Prælato, nec Altari: sed semiverfus ad Altare & Prælatum simul perficit Confessionem, usque ad *Aufer à nobis, &c.* reliqua ut supra, paragr. II.

Dicat omnia fideliter & formaliter, ut in
Missæ

Missali, nihil addendo, nihil demendo, nihil immutando, verbi gratia, ubi habet Missale: *In nomine Patris &c.* non dicat: *In nomine Dei Patris, &c. Beata MARIE, non Beatissima MARIE; & dimissis peccatis vestris, &c.* non & *dimissis omnibus peccatis vestris, &c.* In Confessione post illud, *Petro & Paulo*: Item post illud, *Petrum & Paulum*, nominari non potest principalis Patronus alicujus loci, Ecclesie, vel Religionis, &c. nisi cum privilegio sedis Apostolicæ speciali.

Manus ante pectus ita junctas teneat, ut summitas digitorum non tabulam Altaris, sed faciem sui ipsius respiciat, quod ambulando quoque hinc inde semper observat sacris vestibus indutus.

Signans se signo Crucis producat Crucem magnam, sic dispensans verba ad singulos sui contactus: tangens videlicet frontem dicendo, *In nomine Patris*: pectus, & *Filii*: humerum sinistrum: & *Spiritus*, humerum dextrum, *Sancti*, jungens manus, *Amen*. Sed caveat ne unquam in fine hujusmodi signationis suæ digitum vel manum osculetur.

Dum se ipsum dextra signat vel pectus percutit, sinistram apertam ne teneat sed (ut supra docetur) infra pectus extensam ponat. Caveat à percussione vehementi. Extendens, levans, & jungens manus, altitudinem mentis ne superet.

Nota quod in toto hoc libello passim, nomine Prælati, &c. non debeat intelligi alius prætereos, qui supra paragr. 2. enumerantur.